

КИРОВЕЦ

Тыловой ВКП(б) Райкомлэн но Райисполкомлэн органы

5 августэ 1937 арын | № 57 | 3-тй арзэ потэ

ЖЕГАТСКЫТЭК УБОРОЧНОЙ НО ХЛЕБОПОСТАВКАЕЗ БЫДЭСТОНО

Социалистической колхозной бусыосын туж умой урожай. Районамы массовой октон-калтон мынэ. Выли жечлыко урожайносез дыраз но выли качествен октон-калтон бадзым почетной ужен луэ. Уборочной уж'ёс сярись УАССР-ысь ЦИК-лэн IX-тй сессиез тазы пуктыз: „Наркомзем, райисполком'ёсты, райзоосты, МТС-осты, совхоз'ёсты, сельсовет'ёсты но колхоз'ёсты куазьлэн котыкыче луоно условносаз урожай октон - калтонэз тужжык ик вакчи дырын, но кычэ ыштон'эстэк быдэстыны косоно, тые юсты октонэз туж унозэ 10—14 ужан нунал куспын ортытоно, етинэз 6—8 нунал но клеверлэс семенник'ёсы октон-калтонэз 4—6 нунал куспын быдэстоно“.

Сессилэсь указаниосэ быдэстыны асьмелэн условносы вань. Асьме районны вить комбайн'ёс, вань лютотеребилкаос, уно жнейкаос но мукет машинаос. Социалистической чошатсконэз, талэсь высшой формаэз стахановской движениэз паськыт влмытыса, октон-калтон ужез вакчи дырын быдэстыны условносы вань.

Ужаны бадзымесь условносы луыса но уж'ёс ляб быдэсто. Итинской, Уйвайской, Ст-Кичевской сельсовет'ёс 3—7 проц. гинэ зерновой культураосса аразы, озы ик мукет сельсовет'ёсын но уш'яськымон аран уг мыны. Озы ик етин ишкон но ляб мынэ.

Верано луэ, что машинаосты куд-огез уже кутыны,

уг быгаты. Сурон сельсоветэ ыстэм комбайнэз аратэк тязы, сыче уж ответственностьэк ужам бсрысен луэ. Лютотеребилкаосты озы ик уже уг куго, лютотеребилка бордын ужас'ёс дырзэс уно огшоры ужатэк ортыто. Куд-ог колхоз'ёс ужась кужымзэс уже кутыны быгатымтэнызы, мед'ятыса арато. „Максимовка“ колхоз 60 га вылысь араны 540 пуд юэн мед'ям. Нош асьсэ колхозник'ёс ке ужасалзы, со мед'ям понна сэтэм юэз колхозник'ёслы быдэн вить пуд люкыны луысал, отчые колхозниклэн зажиточностьсы жуткысал.

26 номере етин мертчанэз карон понна, куд-огаз колхоз'ёсын уг нюр'ясько. „Крестьянин“ но „Н-путь“ колхоз'ёсын етин звеносысь ужас'ёсты мукет уже перебростит кариллям, етинэз ишкыку ик сортэн-сортэн сортировать уг каро. Та колхоз'ёслэн председател'ёсы 26 номере етин мертчан сярись ВКП(б) Обкомлэсь 27 июле пукгэмзэ өвөл валаллям.

Нырысь кутсам юэз соку ик одно государстволы сётыны кулэ, нош колхоз'ёс сое уг быдэсто. Юэз кутсаса колхозник'ёслы люко, государстволы слать карыны уг дырто, антигосударственной практика лэсьто, сыче уж'ёс но кычты но уг ярало. Нош заготовительной организацис, сельсовет'ёс хлебопоставкаез али но организовать уг каро на.

Ю-НЯНЬ ОКТОН-КАЛТОНЫН ТЫРМЫМТЭС

Охан сельсоветысь „Токарь“ колхоз ю-нянь октон-калтон ужлы тырмыт кулэз'я бз дасяськы. Колхоз'ёс ваньмыз пбсь жутским мылкыдын арало, етин ишко ни. Нош „Токарь“ колхозын али ке но сноповязалказы ремонтировать карымтэ. Ю-нянь октон-калтонлы дасяськонын тужгес ик сельсоветлэн членэз Дектерев ужен оперативно кивалтэм интые, ачиз ужез сорвать кариз. Колхоз правлени Дектеревез жнейкалы часть'ёс басытыны ыстэм вал, со понна 180 манет коньдон солы сётызы. Дектерев уралэ мыныса, 8 нунал юыса улиз, машиналы часть'ёс бз вайы, колхоз коньдонэз юонлы быдтыз.

Озы ик выли номеро

етин мертчан понна та колхозын уг нюр'ясько, обкомлэн бюроезлэсь пуктэмзэ уж вылын уг быдэсто. Етин ишкон уж организовать карымтэ, етинэз сортэн-сортэн уг ишко, кузьзэ но вакчизэ ваньзэ огазе ишко. Ужын чошатскыса ужан организовать карымтэ но стахановец'ёс өвөл. Агитмассовой уж уг нуиськы, стенгазет уг потто. Стенгазетлэн редакторез газет поттыз но колхозлэн счетоводэз газетэз кесяз.

Колхозын удмур'ёс но ач'ёс пблын далашон мынэ. Бригадир Силин удмурт'ёсты трос дыр'я уже до уг ысты.

Силин, Кондратьев, Силина.

УБОРОЧНОЙ УЖ'ЁСЫН СТАХАНОВКАОС

Колдомова Мария Даниловна „Крестьянин“ колхозысь нормая 220 культо ке керттоно, со 430 керттэ. Мартюшева Анна „Крестьянин“ колхозысь нормая 220 культо керттоно ке, со 430 керттэ. Загуляева Екатерина „Власть Советов“ колхозысь нормая 0,25 га вылысь культо керттон интые, со 0,48 га вылысь керттэ. Широбокова Екатерина „Победа“ колхозысь нормая 0,16 интые, 25 га вылысь сюрлоен ара. Казакова Мария „Кр. площадь“ колхозысь нормая 0,12 га сюрлоен аран интые, со 0,18 га ара. Первушина Дарья „1 Май“ колхозысь нормая 0,14 га сюрлоен арано ке, со 0,17 га ара.

ПЕРВЫЙ ХЛЕБ ИЗ ПОД МОЛОТИЛКИ ГОСУДАРСТВУ



Нырысь кутсам бере ик государствалы нянез сётоно

Кивалтымтэ бордысен уж ляб быдэсме

„Пятилетка“ колхозын уборочной но хлебопоставка уж'ёс ярантэм урод мыно. 25 июльысен араны кутскыса, 3 августозь жег 54 га аразы но етин 7 га ишкызы. План'я нуналскын 15-17 га араноке, 5—6 га сяна уг арало. План'я нуналскын 6—7 га етин ишконо, нош соос 1 га ёрос гинэ ишко. Верам лыдпус'ёс возьмато, что „Пятилетка“ колхозын али ортычсь данлыко уж'ёслэсь кулэлыкэс но жог, выли жеглыко быдэстонэз умой уг валало. Жег но етин вуэмын, соосты октыны-калтыны колхозник'ёс пблын тревога пуктымтэ, витьтон процент'ёсыз колхозник'ёс уборочной уже уг потало. Кылсрысь, 2 августэ первой бригадаысь 30 муртысь 13 мурт ужаны поттызы. Озы но бригадир Осотов Василий но кычэ ответственностез уг шбды. Висильев Петр но Васильева Федосья туж азьтэм ужало, саботировать каро. Гущина Александра, Осотова Василиса 50—60 проц. нормазэс быдэсто. Нош колхозлэн председателез Петров дисциплинаез тиясьёсын уг нюр'яськы.

Колхозлэн председателез Петров конкретно уж'ёсын уг кивалты, нимысьтыз кызы колхозник'ёс ужало, сое со уг толы. Бригадир'ёслы наряд сётыса, уж'ёс быдэсмозы малпа, бригадир'ёслэсь ужзэс проверять уг кары. Нош бригадир'ёс колхозник'ёслэн ужанназы бусые туж шервуыло, колхозник'ёсын кивалтон интые, звенеvod'ёслэсь сводка, басьто но кошко. Тини озы ужам бор-

дысен кин, марлы ужаны бз поты, со сярись председател'ёс но бригадир'ёс уг тодо. Бригадир'ёс асьсэ куспын соревноваться карыськыны договор тупатызы ке но, сое быдэстон понна нуналмысь уг нюр'ясько, договор кызы быдэсме сое эскерись ик өвөл.

Верано луэ, что татын вань ударник'ёс но. Тани, Гущина Анна 142 проц., Казакова Наталья 110 проц. нормазэс быдэс'яло, таос аран ужны скулмасыкыса ужало. Озы ик Осотова Зоя котьку ик нормазэ мултэсэн быдэс'я. Етин ишконын Осотова Анна 118 проц., Осотова Евдокия 115 проц. Нормазэс быдэс'яло, Васильева Зинаида но нормазэ умой быдэс'я. Нош ударник'ёсты, жеч ужас'ёсты колхозлэн правлениез, бригадир'ёс но кызы но поощрять уг каро.

Юэз кутсам бере нырысь ик государстволы слать карыны кулэ. Нош „Пятилетка“ колхозын 70 пуд колхозник'ёслы нянез люкиллям, государстволы чик нуиллямтэ. Колхоз правлениелэн членэз со ик кладовщик Петров Петр колхоз председател'ёс подчиниться уг карыськы. Государстволы слать карыны дасям юэз 2 августэ кладовщик вукое изыны келям, озы со хлебопоставкаез жегатэ, хлебопоставка ужны антигосударственной практика лэсьтэ. Таке тырмымтэ уж'ёс луэмын соин но, сельсоветлэн членэз Гущин но кандидатской группа колхозник'ёс пблын массово-вадэктон ужез ляб нуо.

Нормазэс мултэсэн быдэс'яло

Тыловой сельсоветысь „Яг“ колхозысь колхозник'ёс, колхозницаос ю-нянь октон-калтонэз дырызлэсь азыло быдэстон вылысь скулмысь ужало, нормаосты мултэсэн быдэс'яло. Корепанова Анна Федоровна

160 культо интые, 182 культо араз, озы ик Кардапольцева Христина 160 культо интые, 183 культо араз. Азыпала эшшо но кужмо ужалом шуо Корепанова но Кардапольцева. Сергеев.

Итальянской солдат'ёс Абиссиниысь пег'эо Кения нимо английской колонилэн (Африка) губернаторез берло дыре куинь сюрслэсь но трос абиссинской калык но 464 мурт итальянской солдат'ёс Кения территорияез вылэ выжизы шуыса ивортыз.

10 сюрслэсь но трос школаос усътэмын

Республиканской Испаниясь вань Университет'ёсын, институт'ёсын но школаосын дышетскон нырысетй сентябрьсен кутскоз шуыса испанской правительстволэн просвещение ужпум'я министрэз Эрнандес ивортыз. Со сяна рабочей институт'ёс кылдытисько. Тини со институт'ёсын ужась егит'ёс дышетскыны но асьсэлэсь способностьсэ развивать карыны быгатозы.

Испаниян гражданской война кутскем дырысен, республиканской Испаниян территория вылаз 10 сюрслэсь но трос школаос усътэмын ни шуыса Эрнандес ивортыз.

Райисполкомлэн президиумаз

„Новая школа“ но „Большевик“ колхоз'ёсысь председател'ёсы колхоз уставез тязса, ю-нянез колхозник'ёслы люкыло: „Новая школа“ колхозын 697 культо жегез колхозник'ёслы люкиллям. Колхозниклы быдэ дас трудоденьлы одиг культо сётиллям. Озы ик „Большевик“ колхозын но кутсам: э култыоэн жегез люкиллям.

Колхоз уставез тиямзы понна „Новая школа“ но „Большевик“ колхоз'ёсысь виноватэ усем мурт'ёсты судэ сётоно шуса, Тыловой райисполкомлэн президиумез решение кутыз. Соин чош ик прокурорез следстви нуыны косыз.

Князев ю октон-калтонэз куашкатэ

Шудзюлуд сельсоветысь „Новый пуг“ колхозысь нырысетй бригадаысь бригадир Князев Петр ю-нянь октон-калтонэз куашкатон вылысь уха, дырзэ вискарытэк юса ортычтэ. Князевлэн бригадаез ю-нянь октонэз туж бере кыле. Бере кылёнэн нюр'яськем интые, Князев ужзэ куашкатыса кунозтй ветлэ. Тини озы, колхозник'ёс нарядтэк кылэ, нуназеозь араны уг мыно. Князевлэсь сыче урод ужамзэ адзыса, колхозник'ёс сое бригадирысь поттыны курвал, нош колхозлэн председателез Князев Федор колхозник'ёслэн курумзылы кылэм—адзем ик бз кары. Князев Петр дорэдельсь но юса улэмынз ужысь поттэмын. Али колхоз бригадире шедьыса, колхозын ужез куашкатон вылысь уха. Соос колхоз председателен вис карытэк юыса уло.

Чазов.

